



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacros. Concilii Tridentini Canones Et Decreta

Gallebart, Jean

Coloniæ Agrippinæ, 1621

Bvlla S. D. N. Pii, Papæ IV. Revocatoria Privilegiorvm Exemptionum,
immunitatum, facultatum, conseruatoriarum, ...

urn:nbn:de:hbz:466:1-39157

quatur, prout in dictis literis siue Bullis continetur, cum potestate de-
tandi, inhibendi, excommunicandi, suspendendi diuini, declarandi,
interdicendi, aggrauandi, carcerandi, & brachium seculare, de-
cernendi, relaxandi & exequendi, aliaq; faciendi necessaria quomodo-
libet & opportuna. Contrarijs quibuscumq; non obstantibus, &
quod presentis nostri Motus proprii sola signatura sufficiat, ac vbiq;
idem faciat, in iudicio & extra, regula contraria, & alijs quibuscum-
que, omnibus expresse derogamus, non obstantibus.

Placet, Motu Proprio. I.

Præsentetur. *Amerin. Regem.*

BULLA S. D. N. PII, PAPE IV.
REVOCATORIA PRIVILEGIORVM, EXEM-
ptionum, immunitatum, facultatum, conseruatoria-
rum, indultorum, confessionalium, Maris magni, &
aliarum quarumcumq; similitum gratiarum, quibus-
cumq; locis & personis concessarum, in his, in quibus
statutis & decretis sacri Concil. Trid. contrariantur.

PIVS EPISCOPVS,
SERVVS SERVORVM DEI,

ad perpetuam rei memoriam.

IN Principis Apostolorum Sede, meritis licet imparibus
diuina dispositione constituti, nihil neq; vniuersali Ec-
clesiæ, curæ & sollicitudini nostræ commissa, salubris,
neq; iniuncto nobis Apostolicæ seruitutis officio deo-
tius præstare possumus, quam quod prouidentis nostræ
ministeria œcumenicum Concilium Tridentinum, sicut nostris po-
tissimum auspicijs, summaq; sanctorum Patrum concordia per
misericordiam feliciter absolutum fuit: ita, per vniuersos, qui Chri-
stiana pietate censentur, vbiq; suspiciatur, & remotis, quibuslibet
obstaculis, ab omnibus æqualiter obseruetur. Cum itaq; in eodem
Concilio quam plura salubria & ad vniuersalem morum reforma-
tionem valde vtilia decreta atque statuta, maturo presentium pro-
rum examine præcedente sunt edita, quibus multa atque diuersa
privilegia, exemptiones, immunitates, dispensationes, facultates,
conseruatoriæ, indulta, & vt vocant, confessionalia, & Maris ma-
gnum, & alia gratiæ, quæ variis tam Cathedralibus, etiam Metro-
politans, quam collegiatis Ecclesijs, monasterijs, conuentibus &
alijs religiosis, etiam Fratrum mendicantium domibus & Ordini-
bus, nec non sancti Spiritus in Saxia, sancti Iohannis Lateranensis,
ac Incurabilium de Vrbe, sancti Antonij Viennæ, & sancti
Bernardi Iuren. alijsque Hospitalibus, Militijs, eorumque Co-

Concil. Trid.
cū declarati.
in gratiam
in regno

pietulis & conuentibus, ac Vniuersitatibus, etiam Studiorum generalium collegijs, tam secularibus quam Ecclesiasticis, Confraternitatibus, Societatibus, & tam Principis Apostolorum de Vibe, quam alijs Fabricis, sanctæ Cruciatæ alijsque pijs locis & operibus, necnon Patriarchis, Archiepiscopis, Episcopis, Prælatibus, Abbatibus, Abbatissis, Prioribus, Præpositis & alijs Ecclesiasticis, tam secularibus, quam diuersorum Ordinum & militiarum regularibus, ac etiam laicis cuiuscunque dignitatis & status ac gradus & excellentiæ, ac etiam Ducali, Regia Imperiali dignitate fulgentibus vtriusque sexus personis, necnon aliquibus Notarijs, & etiam de latere Legatis, atque Nuncijs, tam perpetuo, quam ad tempus per plures Romanos Pontifices prædecessores nostros, ac nos & Sedem Apostolicam, eiusque Legatos hæcenus, etiam Motu proprio & ex certa scientia, ac de Apostolicæ potestatis plenitudine, seu etiam Imperatorum, Regum, Ducum & aliorum Principum contemplatione & intuitu, etiam de fratrum consilio, diuersimodi, varijsque temporibus in genere vel specie, ex quavis etiam honesta causa concessa, & etiam pluries confirmata & innouata fuerunt, in plerisque contrariantur. Nos, quibus in primis cordi est, tam sanctæ & Ecclesiæ Dei saluberrima decreta suos, vt par est, effectus vbique consequi, & ab omnibus obedienter obseruari, priuilegiorum, exemptionum, immunitatum, facultatum Conseruatoriarum, Indulgarum, Confessionarium, Maris magni, & aliarum gratiarum prædictarum, ac quarumcunque Apostolicarum & aliarum literarum desuper confectarum processuumque decretorum, & aliorum inde secutorum tenores, ac si de verbo ad verbum insererentur, præsentibus pro sufficienter expressis & plene insertis habentes: Motu proprio & ex certa scientia, ac de Apostolicæ potestatis plenitudine quod eadem omnia & singula priuilegia, exemptiones, immunitates, facultates, dispensationes, Conseruatoriarum, Indulta, Confessionaria, Mare magnum, aliarum gratiarum in his omnibus & in singulis, in quibus illa statutis & decretis Concilij huiusmodi contrariantur, ipso iure reuocata, caulsata, & annullata, ac ad ipsius Concilij terminos atque limites reducta sint & esse censentur, nec quidquam aduersus ipsa decreta & statuta, quominus vbique & apud omnes obseruentur, in aliquo suffragari posse, sed ea perinde haberi & reputari debere, ac si nunquam emanassent, auctoritate Apostolica, tenore præsentium declaramus ac etiam statuimus & ordinamus. Decretantes nihilominus, omnia & singula quæ vigore priuilegiorum, exemptionum, immunitatum & dispensationum, facultatum, Conseruatoriarum, Indulgarum, Confessionarium, & aliarum quarumcunque gratiarum huiusmodi, post id tempus quo Concilium obligare cœpit, facta & gesta quomodolibet fuerunt & in posterum fuerint, in his in quibus dicti Concilij decretis aduersantur, nulla, inualida & irrita esse & cœteri, ac nemini, etiam quan-

sumlibet, ve præfertur, qualificato tam in foro (quod aiunt) forò
quam conscientie suffragari posse & debere. Et ita per quoscunque
locorum Ordinarios, aliosque Iudices & Commissarios quavis au-
thoritate fungentes, etiam sancte Romanæ Ecclesie Cardinales, sub-
lata eis & eorum cuilibet quavis aliter iudicandi facultate, in vtro-
que foro iudicari & definiti debere, ac quidquid secus, à quoquam,
quavis auctoritate, scienter vel ignoranter attentari congerit, ini-
uriam & inane decernimus. Non obstantibus præmissis, ac coactio-
tionibus & ordinationibus Apostolicis, cæterisque contrariis qui-
buscumque. Nulli ergo omnino hominum liceat hanc paginam con-
stituti declarationis, statuti, ordinationis, & decreti infringere, vel ei
ausu temerario contraire. Si quis autem hoc attentate præsumpserit,
indignationem omnipotentis Dei, ac beatorum Petri & Pauli Apo-
stolorum eius se noverit incursurum.

Dat. Romæ, apud sanctum Petrum, Anno incarnationis Domi-
nicæ Millesimo Quingentesimo Sexagesimo quinto. Tertio decimo
Kalend. Martij. Pontificatus nostri Anno sexto.

Cæ. Glorierius.

P. Episcopus Narnien.

H. Cumys.

ANNO à Natiuitate Domini Millesimo Quingentesimo Sexage-
simo quinto, Indictione sexta: Die vero vicesima quarta mensis Fe-
briuarij, Pontificatus sanctissimi in Christo Patris & D. nostri Do-
mini P. I. diuina prouidentia Papæ Quarti, Anno eius sexto, ser-
scriptæ litteræ Apostolicæ affixæ & publicatæ fuerunt in Aule Cam-
pi Floræ, & valis Cancellariæ Apostolicæ, per nos Nicolaum de
Matthæis & Camillum Cherubinum S. D. N. Papæ cutores.

Philibertus Chapuis, Magister Cursorum.

Concil. Trid.
cū declarati.

maneat in
pacta